



## COMUNU DE QUARTU S. ALENI

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

Ariseru cun unu votu a totòmini su Consillu Comunali at aprovau sa còmpora de s'ex distilleria Capra: unu tretu de importu po fai torrai a nasci unu logu importanti de sa citadi nostra, su centru stòricu de su apenditzu "Cepola". Una faina de unu millioni de èurus ca eus a pagai cun unu mutuo, ca podit essi impinniau po àteras fainas chi sa proposta depit agatai, cumenti pentzaus, una cobertura manna po mèdiu de is fundus PNRR aintru de su finanziamentu de su Progetu: Fàbricu de s'innovatzioni po s'ambienti, Circa e Mobilità, chi est cabutruma s'Universiadi de Casteddu. Unu tretu comunu primitziau su mesi de cabudanni passau, candu s'Aministratzioni, impari cun s'Ateneu, at decìdiu de addiriri a s'avisu pùblicu de s'Agentzia po sa Coesioni Territoriali ca invitaiat a intregai candidaturas po fainas de cualificatzioni torra e integrada e po sa creazioni de ecosistema de s'innovatzioni de su "Mezzogiorno". Si depit marcai innoi s'importàntzia de sa partnership cun s'Universitàdi ca si permit non sceti de incarrerai unu recùperu de importu po su chi pertocat su pranu urbanìsticu e stòricu, ma de torrai a fai nasci unu logu identitàriu de sa tzitadi nostra po mèdiu de unu ruolu e una funtzioni crara: is ex Distillerias, postas aintru de sa pratza po mèdiu de unu corratzu mannu, ant a acoli giòvunus circadoris in su campu de is scièntzias aplicadas a s'ambienti, a sa mobilitadi sustenibili, a s'innovatzioni urbana. Una faina conservadora, a cunforma cun sa filosofia de su Pranu de Recuperu "Cepola-Sant'Efisio" e capassa de fai torrai a su fàbricu unu ruolu centrali non sceti po sa citadi ma po s'àrea metropolitana intrea, cumenti giai fiat unu sèculu a oi.